

Bosna i Hercegovina
Agencija za rad i zapošljavanje
Bosne i Hercegovine
SARAJEVO



Босна и Херцеговина
Агенција за рад и запошљавање
Босне и Херцеговине
САРАЈЕВО

Bosnia and Herzegovina
Labor and Employment Agency of
Bosnia and Herzegovina
SARAJEVO

Bosnia and Herzegovina
Labor and Employment Agency of
Bosnia and Herzegovina
SARAJEVO

STATISTIČKI INFORMATOR

- pregled stanja tržišta rada u BiH -

IV kvartal 2006.

Broj 2.

Sarajevo, Februar 2007.


1. Karakteristike tržišta rada u Bosni i Hercegovini

Registrovana zaposlenost

Prema podacima Federalnog zavoda za statistiku, Zavoda za statistiku Republike Srpske i Agencije za statistiku BiH - ekspozitura Brčko Distrikt BiH, u Bosni i Hercegovini je u septembru 2006. bilo evidentirano 662.481 zaposlenih osoba, što u odnosu na isti period prošle godine (644.516) predstavlja povećanje za 17.965 osoba ili 2,79%.

Aplikacija – obilježja	Registrovana zaposlenost		
	III 2006.	IX 2006.	Indeks IX 2006. / III 2006.
Bosna i Hercegovina	647.646	662.481	102,29
Federacija BiH	386.999	391.498	101,16
Republika Srpska	247.343	257.110	103,95
Brčko Distrikt BiH	13.304	13.873	104,28


Trend rasta registrovane zaposlenosti u Bosni i Hercegovini se nastavio i u četvrtom kvartalu 2006. godine, međutim to nije dovelo do smanjenja registrovane nezaposlenosti. Glavni razlog za to je, pored neregistrovanog rada i otpuštanja radnika, što ukupna radna snaga, koja se sastoji od ukupnog broja zaposlenih i nezaposlenih osoba, u zadnje tri godine pokazuje kontinuirani rast. Broj osoba koje ulaze u radnu snagu u BiH, koja predstavljaju uglavnom mlađu populaciju, prevazilazi broj onih koji je napuštaju po raznim osnovama.





Registrovana nezaposlenost

Prema podacima Federalnog zavoda za zapošljavanje, Zavoda za zapošljavanje Republike Srpske i Zavoda za zapošljavanje Brčko Distrikta Bosne i Hercegovine, u Bosni i Hercegovini sa 31.12.2006. godine na evidencijama je prijavljeno 524.839 nezaposlenih osoba, što u odnosu na kraj III kvartala 2006. godine (518.471) predstavlja povećanje za 6.368 lica ili 1,23%.



Stopa registrovane nezaposlenosti u Bosni i Hercegovini (septembar 2006.)

Bosna i Hercegovina – 43,9%

Federacija BiH – 47,8%

Republika Srpska – 35,5%

Brčko Distrikt BiH – 56,4%

Stopa anketne nezaposlenosti u Bosni i Hercegovini (Anketa o radnoj snazi, april 2006.)

Bosna i Hercegovina – 31,1%

Federacija BiH – 32,4%

Republika Srpska – 28,5%

Brčko Distrikt BiH – 37,1%


Polna struktura registrovane nezaposlenosti

Od ukupnog broja lica koja traže zaposlenje, njih 246.881 ili 47,04% su žene. Prvi put zaposlenje traži 134.829 žena ili 54,61% od ukupnog broja registrovanih nezaposlenih žena u BiH.

Kvalifikaciona struktura registrovane nezaposlenosti

Kada posmatramo kvalifikacionu strukturu nezaposlenih lica u BiH, zaključno sa 31.12.2006. godine, najveći broj evidentirane nezaposlenosti je lica sa trećim stepenom obrazovanja (KV 193.472 ili 36,86%), te lica sa niskim stepenom obrazovanja (NKV, PKV i NSS radnika 187.678 ili 35,76%).

Od ukupnog broja registrovane nezaposlenosti, lica sa fakultetskim obrazovanjem (VSS i VŠS) čine 17.861 ili 3,40%.



Ulasci i izlasci iz registrovane nezaposlenosti


Od ukupnog broja registrovanih nezaposlenih lica u decembru 2006. godine, novoprijavljenih lica koja traže posao je bilo 14.189, a broj lica brisanih sa evidencije sa tri zavoda za zapošljavanje je 10.569.

Od ukupnog broja brisanih lica sa evidencije, njih **4.289 ili 40,58% je brisano sa evidencije po osnovu zapošljavanja.**

U 2006. godini, sa evidencija Federalnog zavoda za zapošljavanje, Zavoda za zapošljavanje Republike Srpske i Zavoda za zapošljavanje Brčko Distrikta BiH zaposleno je ukupno **59.877** lica, što u odnosu na 2005. godinu (47.890) predstavlja povećanje za **11.987** lica ili **25,03%**.




ZAPOSLENI SA EVIDENCIJE SLUŽBI ZAPOSŁJAVANJA - BiH / ENTITETI




Materijalno-pravna zaštita nezaposlenih

U skladu sa važećim entitetskim zakonima i zakonom Brčko Distrikta BiH, u decembru 2006. godine novčanu naknadu koristilo je 8.453 lica ili 1,61% od ukupnog broja registrovanih nezaposlenih osoba, što je u odnosu na kraj trećeg kvartala (8.383 lica) više za 70 lica.

KORISNICI NOVČANE NAKNADE ZA NEZAPOSLENE - BiH / ENTITETI



Pravo na zdravstvenu zaštitu ostvarilo je 335.398 lica ili 63,90% od ukupno registrovane nezaposlenosti u BiH, što je u odnosu na kraj trećeg kvartala (327.657 lica) više za 7.741 lica.




2. Neke karakteristike tržišta rada zemalja jugoistočne Evrope

Opšte karakteristike tržišta rada u zemljama jugoistočne Evrope su:

- značajan pad registrovane nezaposlenosti (Bugarska, Crna Gora, Hrvatska, Slovenija, Rumunija),
- stagnacija ili rast registrovane nezaposlenosti (Bosna i Hercegovina, Srbija, Makedonija),
- postojanje sezonske i regionalne fluktuacije registrovane nezaposlenosti,
- značajno prisustvo rada u neformalnom sektoru („rad na crno”).

U **Bugarskoj**, prema podacima iz Ankete o radnoj snazi (ARS) u četvrtom kvartalu 2006. godine, radno aktivno stanovništvo u Bugarskoj čini 3.488.000 zaposlenih i 288.400 nezaposlenih lica. Stopa nezaposlenosti po ovom istraživanju za posmatrani period iznosi 8,4%.





Na tržištu rada **Crne Gore** je, prema evidencijama Zavoda za zapošljavanje Crne Gore, 31.12.2006. godine evidentirano 38.876 nezaposlenih lica. Ovaj broj je manji za 9.969 ili 20,41% u odnosu na stanje na dan 31.12.2005. Stopa nezaposlenosti na kraju posmatranog perioda iznosi 14,73% i manja je za 3,77 procentna poena u odnosu na stopu na početku perioda (18,50%), čime je nastavljen višegodišnji pozitivan trend njenog intenzivnog pada.


Pozitivna privredna kretanja doprinijela su poboljšanju situacije na tržištu rada **Hrvatske**, što se ogleda kroz porast nivoa zaposlenosti i pad nezaposlenosti. Prema posljednjim podacima Ankete o radnoj snazi za prvo polugodište 2006. godine, Republika Hrvatska je imala: 1.548.000 zaposlenih stanovnika i 206.000 nezaposlenih stanovnika sa stopom nezaposlenosti od 11,8 %. Prema zvaničnim podacima, na evidencijama Hrvatskog zavoda za zapošljavanje sa 31.12.2006. godine evidentirano je 293.153 nezaposlenih lica i registrovana stopa nezaposlenosti za posmatrani period iznosi 17,0%.

U **Makedoniji**, prema zvaničnim podacima Agencije za zapošljavanje Republike Makedonije, u decembru 2006. godine na evidencijama je prijavljeno 366.551 nezaposlena osoba. Prema podacima iz Ankete o radnoj snazi iz trećeg kvartala 2006.godine, radnu snagu u Makedoniji čini 576.813 zaposlenih i 322.919 nezaposlenih lica. Stopa nezaposlenosti u Makedoniji po Anketi o radnoj snazi iznosi 35,9%.

Zavod za zapošljavanje Republike **Slovenije** je u decembru 2006. godine na evidenciji imao 78.303 nezaposlenih lica i stopa registrovane nezaposlenosti u decembru 2006. godine iznosila je 10,2%. Prema Anketi o radnoj snazi iz trećeg kvartala 2006. godine, stopa registrovane nezaposlenosti je 5,7%.

Na tržištu rada **Srbije**, u decembru 2006. godine na evidencijama nezaposlenih Nacionalne službe za zapošljavanje Republike Srbije bilo je registrovano 916.257 nezaposlenih lica i stopa registrovane nezaposlenosti je iznosila 28,05%. Prema zadnjoj publikovanoj Anketi o radnoj snazi iz 2005. godine, stopa nezaposlenosti u Srbiji iznosi 20,8%.

Pošto se Anкета o radnoj snazi provodi u skladu s metodološkim pravilima Međunarodne organizacije rada i Evropskog statističkog ureda (Eurostata), podaci dobijeni Anketom su međunarodno uporedivi.



Napomena: Podaci za Srbiju su iz Ankete o radnoj snazi iz 2005. godine.

Napomena: U izradi ove publikacije korišteni su podaci od sledećih institucija: Federalni zavod za zapošljavanje, Zavod za zapošljavanje Republike Srpske, Zavod za zapošljavanje Brčko Distrikta BiH, Agencija za statistiku BiH, Federalni zavod za statistiku FBiH, Republički zavod za statistiku Republike Srpske i zavoda za zapošljavanje i zavoda za statistiku zemalja jugoistočne Evrope.

IZDAVAČ: Agencija za rad i zapošljavanje Bosne i Hercegovine,
Đoke Mazalića broj 3,
71000 Sarajevo,
Bosna i Hercegovina,
Telefon: (+ 387 33) 208-252,
Fax: (+ 387 33) 209-475,
E-mail: agenrzbh@bih.net.ba
Web: www.agenrzbh.gov.ba